

Padze 1

Eun passèn dézò la CLENDÀ, eun RATTE s'é étrachà la pi.

Padze 2

Lo ratte va eun tchi lo CORDAGNÌ é lèi di :

« Cordagnì, soplé, remenda-mè la pi que me s'i étrachà eun passèn dézò la clenda ! ».

« Bièn cheur ! » lèi repòn lo cordagnì « Mi pe sen lé mè n'i fata de la SÈYA dou pouè ».

Padze 3

Lo ratte va eun tchi lo POUÈ é lèi di :

« Pouè, soplé, bailla-mè de sèya pe lo cordagnì ! ».

« Bièn cheur ! » lèi repòn lo pouè « Mi pe sen lé mè n'i fata de la FAÈNA ».

Padze 4

Lo ratte va eun tchi lo MELEUN-Ì é lèi di :

« Meleun-ì, soplé, bailla-mè de faèna pe lo pouè ! ».

« Bièn cheur ! » lèi repòn lo meleun-ì « Mi pe sen lé mè n'i fata di GRAN ».

Padze 5

Lo ratte va vére lo TSAN é lèi di :

« Tsan, soplé, bailla-mè de gran pe lo meleun-ì ! ».

« Bièn cheur ! » lèi repòn lo tsan « Mi pe sen lé mè n'i fata de la DREUDZE ».

Padze 6

Lo ratte va eun tchi la VATSE é lèi di :

« Vatse, soplé, bailla-mè de dreudze pe lo tsan ! ».

« Bièn cheur ! » lèi repòn la vatse « Mi pe sen lé mè n'i fata dou FEN ».

Padze 7

Lo ratte va vére lo PRO é lèi di :

« Pro, soplé, bailla-mè de fen pe la vatse ! ».

« Bièn cheur ! » lèi repòn lo pro « Mi pe sen lé mè n'i fata de l'ÉVE ».

Padze 8

É lo ratte va vére lo RU é lèi di :

« Ru, soplé, bailla-mè d'éve pe lo pro ! ».

Padze 9

Adòn lo RU baille d'ÉVE ou RATTE que la pourte ou PRO ;
é lo PRO lèi baille de FEN que lo ratte porte a la VATSE ;
é la VATSE lèi baille de DREUDZE que lo ratte porte ou TSAN ;
é lo TSAN lèi baille de GRAN que lo ratte porte ou MELEUN-Ì ;
é lo MELEUN-Ì lèi baille de FAÈNA que lo ratte porte ou POUÈ ;
é lo POUÈ lèi baille de SÈYA que lo ratte porte ou CORDAGNÌ ;
é lo CORDAGNÌ lèi remende la PI que lo RATTE s'é étrachà eun passèn dézò la CLENDÀ !